











S. VIII. 33.



L A C H R T M Æ

AD CONDOLENDUM  
VIRO CONSULTISSIMO

& PRUDENTISSIMO Dn. CHRISTIANO  
LVDECO Seniori, Patri: & reliquæ fa-  
milæ honestissimæ:


ET AD CONDECORAN-  
DUM FUNUS ORNATISSIMI JU-

VENIS Dn. SIGFRIDI LUDECI, LL.

*Stud. filij: quod ducebatur Anno*

A. C. N. MDCX. V. Kal.


*IXbris.*



STETINI Impressum Typis Martini Mulleri.



SIgfrIDO LVDeCo ChrIst. fILIO,  
o, SaCr. LL. Can.



Ad patrem Defuncti.

**D**ignus ne meliore, CHRISTIANE  
Dignus ne, (nisi Christianus esses)  
Fortunâ: lachrymis mades? honestos  
Turpi pulvere squalidus capillos?  
Fles noctem miser! Et vebente amicam  
Lucem Sole, negas amica Solis  
Fletum lumina tibi stitisse posse?  
Quanquam commiserescit: (Et movere  
Posset saxa tuus dolor) Sed absit  
Ut noster prohibere, ne furentes  
Flammas imbre abolere lachrymarum  
Pergas, officiosus ausit error.  
Sacri Codicis extulit beatos  
Felix pagina, lachrymando si qui  
Sæcli inuisa terant iniquioris  
Istius spatia. ô triumphus! ô tri-  
umphus! Nobile, jò jò Fides ô

Virtu-




*Virtutis specimen tuæ! Beatos  
In cœlestibus efficis, piget quos  
Fortuna miseros: ocellus & quæis  
Uber manat aquâ, facis beatâ  
Spe plenam lepidè salire mentem.  
Felices segetes! seruntur unda  
Mortales, nibiliq; lacrymarum:  
Sanctorum innumera gaudiorum  
Nunquam intermoritura mensis exit.  
Jamq; ad te redeo Semx dolende:  
Audi si vacat à molestiarum  
Tantum demere cogitatione;  
Audi nuntia grata: quæis jacentem  
Erectes animum: quibus tibi mens  
In præcordia mox queat reverti.  
Vivit gnatus, Amice, Sigefridus:  
Vivit filius, Optime ô, Sigefridus:  
Vivas ergò dolens pater, revivas.  
Vivit, vivere quæis velis cupisq;  
Ipsum te regionibus beatis.  
Vivit conditione; mutet ut quam  
Tecum; tu mihi velle, velle verò  
(Te quamvis amat) ille non videtur.  
Imò divitijs revenditam quam  
Nolit quas habet almus orbis.  
Vivit, non ea quæ miserrimi nos*



*Vita somnia vivimus: sed ævi  
 Pervivit spacium beatioris.  
 Verax vita ubi, vita viva, vita  
 Aeternum vigil: Hic ubi redundat  
 Fons viva uber aquæ: Hic ubi natatur  
 Vitarum Oceano: Hic ubi videbo  
 Te, mi CHRISTE tuis fluenta vita  
 Fundentem. Caput ipse vitæ es: ipse  
 Vitæ copia, & alma plenitudo:  
 Ipse es vita: sed OMNE tu beatis  
 Illa in vitâ eris: ergo vita tantum,  
 Et vita OMNIA erunt tuis beatis  
 O si nos rapias celer beatam  
 Ad sedem! ô raptè Christe vita nostra!  
 At tu CHARE SENEX sepulchragrati  
 Orna; confere, sparge lacrymarum  
 Semente ubere: convectes acervo  
 Olim gaudia copiosiori.*

Φ. x.  
 M. Antonius Burchardus Jllust. Pæd.  
 SubRector.



### DEFUNCTUS LOQUITUR.



UNDE VALE: quanquam VALE dicere lin-  
 (qua refugit:

SED quia mens aliò gestit abire, VALE.


MUN-



MUNDE VALE; quanquam posthac vidisse juvabat:  
SED quoniam Christus me vocat: ergò VALE.  
MUNDE VALE; quanquam de te discedere triste:  
SED magis læta vocant me loca, MUNDE VALE.  
MUNDE VALE; quanquam exuvias tibi mando relictas:  
SED quia parte ab eo cum potiore, VALE.  
MUNDE VALE; quanquam lenium te vexat & urget:  
DUM te vult Christus, MUNDE VALERE, VALE.

*Valentinus Sperlingius Nobilis  
Megap.*

DEFUNCTUS AD SVOS.

 Hare vale pater, & longum superesto tuorum  
Et decus orbatæ præsidiumq; domus.  
Non frangant animus forte jam funera nati  
Altera: vel morbi tedia longa tui.  
Non morimur: verum ante annos mactamur honore:  
Quò tua tarda magis, gratior hora venit.  
Vos longum; mea tu charissima mater: amica  
Vos quoq; de nostro sanguine relliquia  
Ergo valete: domus nostra servate decorum:  
Vestra memor vox hæc sit super illa mei:  
Scilicet hunc nostrum super esse, o fata dedissent  
Sigfridum! nunquam degenerasset avis.

*Brun Otho à Rammin. Nob.  
Pom.*





PATER FILIO.



Tu fili! cheuvana omnia! spes super una!

Tu vitæ invitæ tu mora sola meæ.

Jam jam nulla mora est: sequor & quò me rapis  
(adsum,

Tu me in complexus arripe Christe tuos,


Quò prodest mihi porro seni diuturnior usus

Vitæ? quamut videam funera plura mea?

Quin mea, quæ reliqua est mihi proles chara sepulchro  
Condant & lachrymis jam senis ossa rigent.

*Laurentius Reventlov Nobilis*

*Megapolitanus.*



AD SPECTATORES FUNERIS.



Uos cernis madidis tergentes lumina villis

Ne temerè spectans ò bone, flere putes.

Unquam sunt aliàs si tristia funera ducta.

Certè ducuntur hæc miseranda satis.

Namq; senex juvenimultum materq; paterq;

Dilectæ soboli tristia busta parant.

Hinc reliqui fratres lugent, planguntq; sorores


Germanum: & mallent quilibet ipse mori.

Tu



*Tu verò ô juvenis quàm res incerta, memento,  
Vita: DEO totus vive, memento mori.*

Nicolaus ab Arnim Nobilis  
Marchicus.



## EPITAPHIUM.



IGFRIDUS notâ natus de stirpe LUDÉ-

(Cû M

Mole sub hac lapidis contumulatur hu-

(mo.

*Hunc rapuit mortis vis præmatura: sub ipsum*

*Fame & virtutis quod meditatus iter.*

*Longior huic ætas à Christo indulta fuisse:*

*In patre sed famam quam cupis, inquit, habes.*


*Ergo age noster ades: Nam vita hæc gaudia pauca*

*Quæ lateris habet, plura dolenda feret.*

*En pro SIGFRIDO Christi sententia vicit:*

*Sigfridus lata pace beatus orat.*

Philippus Ernestus à Rammin Nob.  
Pom.







## TVMVLVS.



*Ornit in hoc tumulo SIGFRIDUS no-  
(mine dictus*

*Natus LUDECO qui genitore fuit.  
Aónias artes discens sudavit & alfit*

*Et timuit summum supplice mente DEUM.  
Hic corpus recubat, recubant hic molliter ossa*

*At anima in cœlis gaudia vera tenet.  
SIGFRIDUS mundum VICIT, Satbanamq, ne-  
(cemq,*

*PACEM, nam CHRISTI sanguine VICIT,  
(habet.*

*Condolentia ergo apposuit  
Martinus Hennichius Cōf. Pom.*







921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



